

象山縣誌（民國）六

古蹟考目

象山縣志卷二十

一山川

二廨舍

三宅墓

四坊表

五寺觀

案曰宋王象之輿地紀勝他縣有古跡象山縣獨無凡象山三萼山東門山天門山鼓吹山與觀瀾臺並以爲景物而已乾道四明圖經象山亦無古跡攷他縣之所謂古跡者如鄞縣之城郭井埕昌國縣之山洞慈谿縣之村壇冢墓

實地志
存古

並無一定今以漢書地理志注例之則汧縣吳

象山縣志

卷二十

古蹟考 山川

山古文以爲泝山陽武有博浪沙園中有彭道將池此古蹟之在山川者鄆有扈谷亭蓋屋有射熊館琅邪有越王觀臺此古蹟之在廨舍者陳倉有舜妻盲冢山陰有禹冢靈文園此古蹟之在宅墓者胸有秦始皇立石襄陵有班氏香亭此古蹟之在坊表者華陰有集靈宮雲陽有休屠金人祠此古蹟之在寺觀者本斯例而彙爲一編以便考覽庶不謬於前志云

山川古蹟

丹山赤水

乾隆縣志洞天福地記四明山爲丹山赤水之洞天然四明山志二百七十峯無丹山名惟奉化有小丹山洞廣一丈有丹霞二篆如朱書有小穴巖下水流赤色說者以爲此正丹山赤水也然其山不甚峻而以小山別之明平有大丹山矣象邑有煉丹山下有丹井說者亦以爲丹山赤水焉然以陶直隱煉丹得名舊名蓬萊山亦非丹山也然則邑人自標其鄉必曰丹山其何在歟戊寅修志

案乾隆二十三年 徧訪名山詢諸土人乃知象山發脈之祖山卽丹山也其山與四明同出於天台其高超出蒙頂之半其水煜然有紫光神木奇生靈草香茁比眞所謂丹山也

道光縣志按丹山屬奉化象山有煉丹山而無丹山乾隆史志以西鄉無名之山當之而以奉化爲非殆誤

尊行日記

戊辰歲九月六日

洞天福地記云四明山乃丹山赤水

之洞天係三十六洞天之第九高一萬三千丈周迴八百里環二百七十二峯列二百七十二福地其巔五峰絕高形如芙蓉東接句章西連禹窟南嗣天台北包翠碣四面如窗中通日月星辰之光故曰石窗又曰四明又有石樓石鼓石筍之奇接奉化小丹山在四明南下有洞若廣廈遺丹霞一篆如朱書內有小穴深甚行幾半日聞水聲如雷殷殷巖罅水流皆赤色此正丹山赤水也形勢蜿蜒綿亘明越二郡又有響岳瀑布仙人足跡一洞不知其處路

通方丈蓬萊封禪書方丈瀛洲三仙山也以金銀爲宮闕
望之如雲東方朔十洲記在東渤海中唐沈紳詩三山對
峙海中央孫綽天台賦涉海則有方丈蓬萊登陸則有四
明天台方輿勝覽翁州東北有蓬萊山四面大洋世傳徐
福求仙至此有石坪修竹蒼翠一塵不到卽郡志所傳東
霍山者象山西南亦有蓬萊山梁陶弘景煉丹處又名煉
丹山有峰如掌名仙人巖有井曰赤水泉是又以是爲丹
山赤水又四明圖經奉化有蓬萊山納土爲貢以實方丘
云見李公廷機郡志丹山赤水攷案白巖先生於戊寅前
十年戊辰先生錄此攷爲
未定
之文案丹山不獨奉化丹小山也天台永嘉皆有之道
光縣志必據奉化而謂象山無丹山以譏乾隆縣志所見

象山縣志

卷二十

古蹟考

山川

三

不廣矣其最著者莫如四明雍正甯波府志曰道書天下
洞天三十有六四明第九所謂丹山赤水洞天也晉木華
有咏梅福賀知章益亮三人爲之註益亮爲孟亮之誤然
漢梅福安得注晉木元虛之詩延祐四明志但云木元虛
梅福孟亮游最著其意謂梅福與木華各有四明山記耳
雍正府志本之而惑於僞書丹山圖詠集故有此誤也夫
梅記引見黃梨洲四明山記與全謝山句餘土音木記引
見宋釋贊甯笛譜各係古書可信而道藏鞠字號又有木
華四明洞天丹山圖詠集一卷與元道士毛永貞石田山
房詩合刻梨洲亦收入四明山志舊題雖稱賀知章註而
詩中多稱宋齊梁人物又稱越州並非木華所得見不足

爲據道藏龜山白玉上經三十六洞天稱四明山丹山赤水之天注云越州餘姚縣劉樊得道處所謂劉樊非後漢之劉英樊根乃劉綱及夫人樊雲翹二人見葛洪神仙傳太平廣記與寶慶四明志引十道四蕃志今有樊榭白水宮白水宮初名祠宇觀剏建於陳永定中元道士毛永貞卽居祠宇觀以四明洞天由劉樊顯名卽以木華四明山記一語而託其名爲洞天圖詠集凡此皆四明之丹山也道藏杜光庭洞天福地嶽瀆名山記又注云台州唐興縣卽天台縣北六里之赤城山玉京洞而龜山白玉上經福地赤水山則注云溫州永嘉縣卽永嘉縣西北一百三十里之赤水山其巖下時有赤水明不得以奉化擅其名顧

宛溪讀史方輿紀要紀浙江名山四明注云道家以爲丹
山赤水第九洞天而甯波府注則稱奉化縣西十里丹小
山道家以此爲四明洞天又引明沈則嘉四明山遊記曰
赤水在象山象山之赤水正卽丹山熊熊有紫光之溪豈
僅以剡源九曲之第五曲三石者可當丹山赤水洞天而
謂奉化之外無丹山哉

天門山 東門山

大清一統志天門山在奉化縣南六十里接象山縣界漢
書地理志鄞東南有越天門山陶宏景眞誥天門山在鄞
縣南甯海北半亞於海又象山縣南一百二十里海中兩
峯對峙其狀若門亦名天門山一名蜃樓門又名東門山

高二百丈周二十五里又云天門山在台州府甯海縣北六十里山從嵎縣發脈繚繞三百餘里其麓有閶風臺拔起數千仞旁有香岩石井釣臺諸勝 案象山與奉化皆

漢鄞縣甯海之半亦鄞縣地故皆有山名天門然漢書地理志之越天門山必在象山而不在奉化甯海陶宏景眞誥言山半亞於海正今東門山之形狀亦正在鄞縣南甯海北其時尚未立象山縣故舉二縣言之若已有象山則必謂山在象山半亞於海矣其證一乾道四明圖經象山祚聖廟舊係東門廟在縣南一百里按圖經舊載其神號天門都督未詳事跡尊敬其神方之連率都督行旅往返無不致祀隨其誠怠咸有感應唐正觀中

案宋人諱真有字故云正觀

會稽人金林數往台州買販每經過廟下祈禱牲醴如法獲利數倍永徽中又有越州工人蔡藏往泉州造佛像獲數百緡歸經此廟祀禱少懈遂遭覆溺其廟建置年月無碑碣可考據此則東門廟之建置必在唐以前故有貞觀永徽閒二事象山縣未立先有東門廟而乾道圖經引舊

圖經

大案此當爲景德
觀明州圖經

卽以東門號天門可知漢天門山爲

象山東門唐以前古說皆然可補師古漢書集注之缺其證二圖經又云今按東門山在象山縣南海中去州一千二百里其山與台州甯海縣接境山高二百丈周迴二十五里兩峯對峙其狀如門闊一百五十餘步下有橫石如閘潮退之時奔水衝湧不可輕涉惟波平風息乃可以渡

其上有廟號爲東門蓋在甯海之東故以名之其廟神傳爲天門都督或云今置廟處正當古鄞縣東南是承西北天門之勢廟側之水亦自西北山而來故有天門之稱夫以西北戌亥爲天門出自詩緯汎厯樞及齊詩古說此山當西北天門曰天門在甯海之東曰東門山下橫石如閘卽今石浦銅瓦門地理鑿有可徵豈得云奉化之南甯海之北其證三鄞樓參政鑰爲象山縣渡船記云漢志鄞有越天門山輿地廣記謂卽今之東門山也攷輿地廣記爲歐陽文忠公從孫恣所撰其成書當宋政和中在乾道圖經之前而已爲樓公攻媿集所引用正本唐以前古說其證四鄞王尙書應麟爲四明七觀云天門之水灌洊潤瀛

浚浚汨汨遠注析木自注漢地理志鄞東南有天門水入海有越天門山輿地廣記象山縣東門山卽越天門山與樓宣獻之說先後同揆於是尙書弟子袁桷撰四明志沿革考云漢志鄞有鮚埼亭今在奉化又有天門山今象山縣之東門山則天門山明不在奉化其證五胡梅磻注通鑑後梁記云取台州洋過天門山入明州象山洋是梅磻亦以今象山東門爲天門山其證六道光縣志古蹟亦列天門山而引奉化縣志及甯海縣志與象山何涉

梅巖山

蓬山清話舊傳有梅尉古蹟 案漢書梅福傳補南昌尉後去官人有見福於會稽者變名姓爲吳門市卒豈嘗至

象地乎

煉丹山 丹亭 丹竈 丹井

寶慶四明志煉丹亭在象山縣西丹山梁陶宏景嘗煉丹於此又丹竈在象山縣西丹山頂梁陶宏景修丹之所故址尙存又有丹井 道光縣志按蓬萊山藥竈與此丹竈爲二抑梁之丹竈卽秦之藥竈與 乾隆縣志按煉丹山下有丹井焉泉可透錫飲之可以已疾志謂貞白丹投井中故也予謂不然初貞白至甯海閬風里與張少霞煉丹丹成夢神告曰山在後海在前金籠玉笥居兩邊是中可以藏汝丹遂瘞丹焉台州郡志及甯海縣志並載其事而謂投丹象山之井可乎宋人靈驗記及冲應祠記貞白寓

象邑信有之而投丹之說則妄也蓋山川清淑之氣融結而成如甘泉溫泉所在皆是安得皆有丹投之乎黃南山簡要志云丹井在棲霞觀內不言投丹得之矣 案秦徐福藥竈見蓬萊觀碑今已詳金石考象山有陶宏景遺蹟始見宋王欽若靈驗記亦詳金石考嗣後王象之輿地紀勝謂陶貞白有修煉之所在象山元黃學士潛文集謂象山大瀛海者陶隱居丹竈故處柳待制貫文集謂象山中大瀛海陶隱居司馬鍊師之遺跡往往而在是又不止煉丹山與丹山二處矣夫以南史梁宏景本傳明云詣鄮縣阿育王塔自誓受五大戒而王尚書四明七觀猶曰松風隱居是耶非歟必作疑辭而道光縣志徵引南史乃爲臆

撰一句云後又煉丹於象山蓬萊觀則大瀛海又何說之辭疑誤後生不可不辨乾隆縣志古蹟本無丹亭丹竈等說今以寶慶志所有姑附存於唐以前

象山故城 象山鎮 縣基坪

大清一統志甯波府古蹟象山故城今象山縣治元和志神龍元年監察御史崔皎奏於甯海縣東界海曲中象山東麓彭姥村置縣舊志今有縣基坪在縣南二十五里相傳舊欲於此建縣故名 乾道四明圖經縣有一山屹如象形縣控此山因以名之 寶慶四明志海曲有山形如象故曰象山縣始置時以山名名之象山鎮舊在縣西南一里久廢 成化四明志象山在縣治北半里形如伏象

象山縣志

卷二十

古蹟考 山川

八 一